

COFNODION CYFARFOD MIS TACHWEDD 2022

1 CROESO

Cofnodion cyfarfod misol rheolaidd y Cyngor nos Fercher y 9fed o Dachwedd 2022 am 7yh yn Y Ganolfan, Llanberis. Estynnwyd croeso i'r aelodau gan y Cadeirydd.

2 PRESENNOL ac YMDDIHEURIADAU

Ward Padarn: Rhys ap Gwilym, Emlyn Baylis, Iwan Harding, Heather L Jones, Kevin Morris Jones, Cyng. Kim Jones, Nia Jones, Louise Price, Helen Sharp, Trystan Thomas.

Ward Peris: Iola Owen, Llinos Haf Pritchard (Cadeirydd).

Ymddiheuriadau: Gwilym Evans

Hefyd yn bresennol: Dei Tomos (Clerc).

3 DATGAN BUDDIANT:

Cofnodir, os yn berthnasol, o dan y gwahanol benawdau.

4 CADARNHAU COFNODION:

Cadarnhawyd cofnodion cyfarfod nos Fercher y 12fed o Hydref 2022 fel rhai cywir ac fe'i llofnodwyd gan y Cadeirydd. Cynnig ac eilio: HLJ / EB.

5 MATERION YN CODI O'R COFNODION

1. *Cae'r Ddôl:*

Bu KJ, EB a'r Clerc mewn cyfarfod diweddar gyda swyddogion Cyngor Gwynedd (CG), Parc Padarn ac eraill i drafod a fu'r trefniadau newydd eleni ar gyfer y rاسus rhedeg yn llwyddianus. Roedd pawb ac eithrio un o'r trefnwyr yn berffaith hapus a'r drefn newydd. Yr eithriad oedd trefnydd Ras yr Wyddfa (RyW), ond gan nad oedd yn bresennol yn y cyfarfod ni chafwyd dim manylion am ei anniddigrwydd. Teimlad y Pwyllgor Digwyddiadau oedd fod y trefniadau newydd wedi bod yn llwyddiant mawr ar ôl mân drafferthion cyn y ras gyntaf. Roedd rhai o'r aelodau wedi clywed gan aelodau o'r gymuned bod naws gŵyl wedi ei golli yn RyW ar ôl newid lleoliad.

2. *Cae Chwarae Ger y Llyn:*

Mae'r gwaith i ddechrau yr wythnos nesaf.

3. *Blaen Nant, Nantperis:*

Dim mwy o wybodaeth ond pwyswyd ar y Clerc i holi eto Awdurdod Parc Cenedlaethol Eryri sut y rhoddwyd caniatad i godi'r adeilad newydd.

4. *Glyn Peris, Pen y Gilfach, Llanberis:*

Rhoddwyd caniatad cynllunio i newid defnydd y ty yma i fod yn gartref plant

5. *Llwybr Coed Nantucha':*

Yn dal heb ragor o wybodaeth am drwsio'r llwybr.

6. *Cysgodfan newydd Dôl y Goeden:*

Adroddwyd bod hon, sy'n meddiant CG, wedi ei chwblhau ond nad oedd yr offer electronig i gyd yn gweithio ac nad oedd y camerau yn weithredol am nad oedd sticeri i nodi eu bod yno wedi eu gosod. Roedd hyn er i KJ fel Cyngorydd fynd ar ôl CG sawl gwaith.

7. *Coed Doctor:*

Diolchwyd i KJ am drefnu i'r llwybr gael ei drwsio. Gofynnwyd iddi hefyd ofyn i CG roi giat newydd lle mae'r llwybr i'r coed yn gadael y ffordd fawr.

8. *Mynwent yr Eglwys:*

Adroddwyd nad oedd y gwair wedi ei dorri yn Mynwent Eglwys Peris Sant. Gan ei bod yn amlwg i'r trefniant amgen fethu gofynnwyd i'r Clerc holi a oedd modd i'r ymgymerwr arferol neu ymgymerwr arall wneud y gwaith.

9. *Goleuadau Nadolig:*

Adroddwyd bod cysylltiadau trydanol ar gyfer golau Nadolig wedi eu hychwanegu ar 4 polyn lamp stryd yn Llanberis gan CG. Bydd y gost yn llai na'r disgwyl am eu bod yn ymyl ei gilydd.

6 MATERION ERAILL

1. Panel penodi Clerc:

Penodwyd y Cadeirydd LIHJ, RhaG a TT ynghyd a'r Clerc i fynd ati i baratoi ar gyfer hysbysebu swydd y Clerc gan fod DT yn ymddeol. Addawodd y Clerc gylchlythyru manylion yn y dyddiau nesaf. Penderfynwyd rhoi hawl gweithredu i'r panel ond gyda'r manylion yn cael eu rhannu gyda'r aelodau eraill yn hytrach na disgwyl tan y cyfarfod nesaf. Cynnig ac eilio: HS / KMJ.

2. Polisi hyfforddi:

Trafodwyd yr angen i gael polisi hyfforddi ar gyfer y Cyngor. Eisioes roedd tri aelod yn disgwyl cael dyddiad ar gyfer mynd ar gwrs yn ymwneud a Chynllunio. Dywedodd y Clerc fod un cwrs yn taro ar ddyddiad y cyfarfod yma, bydd y nesaf cyn diwedd Tachwedd.

Yn ogystal penderfynwyd bod pob un o'r aelodau i fynychu o leiaf un cwrs hyfforddi gan Un Llais Cymru o hyn i ddiwedd Mawrth, ac yna yn y flwyddyn ariannol nesaf, o ddechrau Ebrill, y bydd yn ofynnol i bawb fynychu dau gwrs. Y Cyngor fydd yn talu, gan wneud cais am bob bwrsari posibl i ysgafnhau'r baich ariannol. Cynnig ac eilio: KMJ / LP.

3. Polisi Ariannol:

Edrychwyd yn fanwl ar adroddiad *Panel Annibynol Cymru ar Gydabyddiaeth Ariannol: adroddiad blynyddol 2023 i 2024* gyda'r bwriad o greu polisi i'r dyfodol. Dyma'r adroddiad sy'n gosod lefel taliadau ar gyfer y flwyddyn ariannol nesaf i aelodau awdurdodau lleol gan gynnwys cyngorau cymuned megis Llanberis.

O dan y drefn newydd bydd yn orfodol i gyngorwyr dderbyn y lwfans, y flwyddyn nesaf bydd hwnnw yn £156 y pen. Gan nad oes dewis bydd yn rhaid ei dderbyn, ond penderfynwyd na fydd yr aelodau yn derbyn unrhyw lwfansau eraill, na unrhyw daliadau ychwanegol am swyddi neu gyfrifoldebau o fewn y Cyngor. Roedd y penderfyniad yn unfrydol. Seilir y polisi ar hynny. Cynnig ac eilio: TT / KMJ.

7 GOHEBIAETH:

1. CG - Cau Stryd Fawr ar gyfer Ffair Nadolig:

Cafwyd rhybudd fod Grwp Datblygu Llanberis (GDLI) wedi cael caniatad i gau'r Stryd Fawr rhwng tafarn Prince of Wales a'r gyffordd â ffordd A4086 ger Y Ganolfan ar gyfer Ffair Nadolig, nos Iau yr 8fed o Ragfyr. Bydd y ffordd ar gau o 5 hyd 8 yr hwyr, ond ar gau rhwng y Prins a Ffordd Ty Du o 6.30 hyd 8. Am y cyfnod o 5 hyd 8 bydd yn amhosibl mynd trwy'r pentref a bydd gwasanaethau bws S1 ac S2 ar y ffordd osgoi.

2. Cynllun Cymorth Tanwydd Llywodraeth Cymru

Yn gofyn i'r Cyngor ddsbarthu poster cyhoeddusrwydd. Rhoddir un ar bob un o hysbysfyrddau'r Cyngor.

3. Cyfyngiadau Parcio Arfaethedig:

Manylion y llinellau melyn dwbl ar gyfer Ffordd Ty Du a Llainwen Uchaf, Llanberis. (Yn unol a dymuniad y Cyngor hwn)

4. Llywodraeth Cymru:

Hysbyseb am Weithdy gan LIC yn Llandudno ar Ragfyr y 7fed.

5. Prifysgol Bangor - Ymchwil Gofalwyr Dementia:

Rhannwyd cais am gymorth i ddarganfod gofalwyr sy'n gofalu am drigolion yn dioddef o ddementia. Mae'r brifysgol yn awyddus i rannu gwybodaeth ac i gasglu gwybodaeth am y cyflwr a'i effaith ar ddiodefwyr a gofalwyr. Gofynnodd y Clerc i'r aelodau drosglwyddo'r manylion i unrhyw un a allai gynorthwyo.

6. Cyrsiau Hyfforddi 'Un Llais Cymru' (ULIC):

Rhannwyd dyddiadau cyrsiau hyfforddi cyngorwyr gan ULIC gan annog yr aelodau i ddewis cwrs yn fuan.

7. Digwyddiadau Chwaraeon:

Yn dilyn cais i werthu diodydd alcoholic a chynnal bar ar Gae'r Ddôl yn ystod un o rاسus rhedeg mawr y flwyddyn nesa roedd CG wedi ymgynghori. Nid oedd CG yn ffafrio y cais ond roedd am ymgynghori a'r Cyngor hwn yn gyntaf. Cytunwyd nad oedd angen bar gan fod digon o gyfleusterau felly yn y pentref.

8 CYNLLUNIO:

C22/0650/15/LL - Tir Stâd Glyn Rhonwy, Llanberis - *Codi canolfan digwyddiadau newydd i gynnwys gofod swyddfa, manau cyfarfod, caffi a storfa warws.*

Gwnaed nifer o sylwadau: Roedd yr aelodau wedi deall mai ar gyfer datblygiadau diwydiannol, a fyddai'n cyflogi nifer sylweddol o weithwyr, y neilltuwyd y tir yma yng Nglyn Rhonwy gan CG a gofynnwyd pam felly ei fod yn ffafrio manwerthu ar y safle? Roedd llawer yn gweld hwn yn ddatblygiad a ddylai fod yn digwydd yn y pentref, lle byddai mwy o les economaidd. Os oedd y datblygiad yma yn groes i bolisi gwreiddiol CG ar gyfer Glyn Rhonwy, dylid ei wrthod. Ond os nad felly yna doedd gan y Cyngor ddim gwrthwynebiad er fod rhai o'r farn na ddylid caniatáu manwerthu gyda caffi ag ati. Roedd pawb yn gytun ar hynny ac eithrio HLJ a oedd am nodi nad oedd yn cytuno a'r mwyafrif ac am weld caniatáu'r datblygiad.

9 MATERION ARIANNOL:

1) Yn y Banc ar yr 28ain o Hydref, 2022

Cyfrif Cyfredol: £57,529.60 Cyfrif Cadw: £66.57

2) Cadarnhawyd y taliadau canlynol:

CYFANSWM £5,342.80

3) Arian a dderbyniwyd rhwng 29/09/2022 a 28/10/2022:

Dim

Cynnig ac eilio yr oll o'r materion ariannol: EB / KJ.

10 ADRODDIADAU ERAILL:

1. Cyfarfod Blynyddol APCE a Chynghorau Cymuned a Thref:

Bu'r Clerc yn y cyfarfod (ar Zoom) ar ran y Cyngor. Cafwyd nifer o gyflwyniadau yn ymwneud a'r Parc yn eu plith trosolwg o waith gan y Prif Weithredwr a fu'n mynegi pryder fod cyllideb yr Awdurdod wedi crebachu'n sylweddol yn ddiweddar. Mewn perthynas a'r ardal yma dywedodd ei fod yn falch fod gwell trefn wedi bod eleni o ran parcio, ac fod y gwasanaeth bws *Sherpa* yn dal i fod yn boblogaidd ac yn ateb y galw i raddau helaeth. Ymhlith y cyflwyniadau roedd rhai ar gynlluniau penodol o fewn y parc, yn ardal y Carneddau, Mawddwy ac Ardudwy.

11 CYFARFOD NESAF:

Dyddiad y cyfarfod nesaf: Nos Fercher Rhagfyr 14, 2022 am 7.00yh yn Y Ganolfan.

Arwyddwyd a chafwyd yn gywir:

Cadeirydd: Llinos Haf Pritchard

Clerc: Dei Tomos

Dyddiad: 14 Rhagfyr, 2022